



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 142. Concordata Pontificis cum Nationibus.

[urn:nbn:de:hbz:466:1-66272](#)

Sæcul. XV. *diti.* Quo casu debeant alia opera pietatis
A.C. 1418. peragere. Post secundum vero debent etiam
usque ad finem vitæ feria sexta jejunare, vel
alia opera pietatis peragere. Nulli ergo li-
ceat hanc paginam infringere &c. Si quis
autem hoc attentare præsumperit, indigna-
tionem omnipotentis Dei, & beatorum Petri
& Pauli Apostolorum ejus se noverit incur-
surum. Huic Bullæ Cardinalis Vivarien-
sis consensit, ac totius Concilii nomine
respondit, *Placet.* Ita ergo absoluta est
Constantiensis Synodus, postquam illius
Sessiones tres ferme annos cum dimidio
tenuerant. Necdum tamen schisma ra-
dicitus extirpatum, alterum vero præci-
puum curæ synodalis negotium, nempe
reformatio, vix cæptum, ad aliud tempus
remissum est.

§. CXLI.

*Concordata Pontificis cum Natio-
nibus.*

*Vander
Hardt to. 4.
p. 1567.*

Synodo sic absoluta Imperator Tigurum
diverterat, sed post brevem moram
Constantiam rediit, accepto nuncio, Co-
mitem de Schwarzenburg, primum ejus
Ministrum obiisse, necnon proximum in-
stare Pontificis discessum. Interea die
secunda Maji Martinus V. concordata
cum Nationibus inita promulgavit. Qui-
bus Galli omnium virium contentione
repu-

repugnabant, Papa tamen nullatenus ce- Sæcul. XV.
 dere voluit; cum vero Atrebatenis E- A.C. 1418.
 piscopus hæc concordata Parisios detu-
 lisset, ea protinus Senatus regius rejicit,
 ac libellum Pontifici exhibendum confe-
 cit. Ceterum in hisce concordatis Papa
 disposuit de numero, & qualitate Cardi-
 nalium, de provisionibus Ecclesiarum, &
 Monasteriorum, de reservationibus Sedis
 Apostolicæ, de Collationibus Beneficio-
 rum, de gratiis expectativis, de confir-
 mationibus electionum, de Annatis, de
 cauffis in Romana Curia tractandis, de
 Commendis, de Indulgentiis, & dispen-
 sationibus. Hoc loco duntaxat Concor-
 data Nationis Gallicæ recenseo, quæ
 Germanorum, & Anglorum concordatis
 haud absimilia sunt, etenim omnia secun-
 dum normam Articulorum reformatio-
 nis supra §. C. relatorum instruebantur.
 Galli tamen ea non acceptarunt, utpote
 Ecclesiæ Gallicanæ libertatibus con-
 traria.

§. CXLIII.

Decimæ ad annum Imperatori concessæ.

Cum Sigismundus pro unione Eccle- *Idem to. 4.*
 siæ plurimas fecisset expensas, Pon- p. 590.
 tifex ex Cardinalium consilio, atque ex
 Germaniæ Præsulum consensu eidem
 con-